

«Հաստատված է»

«Հայաստանի բանկերի միության»
Հասարակական կազմակերպության
Խորհրդի 08.05.2024թ. որոշմամբ
Արձանագրություն 08/2024

Բաղկացած է 6 թերթից

Տպագրված է 3 օրինակից

Հայաստանի բանկերի միության նախագահ


_____ Դ.Ազատյան
08.05.2024թ.



«ՀԱՅԱՍՏԱՆԻ ԲԱՆԿԵՐԻ ՄԻՈՒԹՅԱՆ ՖԻՆԱՆՍԱԿԱՆ ԱՐԲԻՏՐԱԺ»
ՀԻՄՆԱՐԿԻ ԿԱՆՈՆԱԴՐՈՒԹՅՈՒՆ
(Նոր խմբագրությամբ)

ք. Երևան

1. ԸՆԴՀԱՆՈՒՐ ԳՐՈՒՅԹՆԵՐ

1.1. «Հայաստանի բանկերի միության (այսուհետ՝ ՀԲՄ) ֆինանսական արբիտրաժ» հիմնարկը (այսուհետ նաև՝ ՀԲՄ ֆինանսական արբիտրաժային դատարան), ՀԲՄ կողմից հիմնարկի կարգավիճակով ստեղծված, մշտապես գործող արբիտրաժային դատարան է:

1.2. ՀԲՄ ֆինանսական արբիտրաժային դատարանն իր գործունեությունն իրականացնում է «Առևտրային արբիտրաժի մասին» Հայաստանի Հանրապետության օրենքի, Հայաստանի Հանրապետության քաղաքացիական դատավարության օրենսգրքի, ՀԲՄ ֆինանսական արբիտրաժային դատարանի կանոնակարգի, սույն կանոնադրության և այլ իրավական ակտերի հիման վրա:

1.3. ՀԲՄ ֆինանսական արբիտրաժային դատարանի անվանումն է՝
հայերեն լրիվ՝

- «Հայաստանի բանկերի միության ֆինանսական արբիտրաժ» հիմնարկ,
- հայերեն կրճատ՝ «ՀԲՄ ֆինանսական արբիտրաժային դատարան»,
- ռուսերեն լրիվ՝ Финансовый арбитраж Союза банков Армении,
- ռուսերեն կրճատ՝ Финансовый арбитражный суд СБА,
- անգլերեն լրիվ՝ Financial Arbitrage of Union of Banks of Armenia,
- անգլերեն կրճատ՝ Financial Arbitration Court of UBA :

1.4. ՀԲՄ ֆինանսական արբիտրաժային դատարանն ունի իր հայերեն անվանմամբ կլոր կնիք: ՀԲՄ ֆինանսական արբիտրաժային դատարանը կարող է ունենալ իր անվանմամբ ձևաթղթեր, խորհրդանիշ և անհատականացման այլ միջոցներ:

1.5. ՀԲՄ ֆինանսական արբիտրաժային դատարանի գտնվելու վայրն է՝ ք.Երևան, Կորյունի փող. 19 Ա, 6-րդ հարկ:

1.6. ՀԲՄ ֆինանսական արբիտրաժային դատարանը ստեղծված է համարվում ՀԲՄ խորհրդի կողմից սույն կանոնադրության հաստատման պահից և ենթակա է հաշվառման օրենսդրությամբ սահմանված կարգով:

2. ՀԲՄ ՖԻՆԱՆՍԱԿԱՆ ԱՐԲԻՏՐԱՅԻՆ ԴԱՏԱՐԱՆԻ ԻՐԱՎԱՍՈՒԹՅՈՒՆԸ

2.1. ՀԲՄ ֆինանսական արբիտրաժային դատարանի իրավասությանը ենթակա են քաղաքացիական իրավահարաբերություններից առաջացող առևտրային բնույթի վեճերը, որոնց լուծումը կողմերը վերապահել են ՀԲՄ ֆինանսական արբիտրաժային դատարանին՝ այդ մասին կնքելով արբիտրաժային համաձայնություն:

2.2. Կողմերի միջև կնքված արբիտրաժային համաձայնության առկայության դեպքում ՀԲՄ Ֆինանսական արբիտրաժային դատարան դիմելու իրավունք ունեն Հայաստանի Հանրապետության քաղաքացիները, ներառյալ՝ անհատ ձեռնարկատերերը, իրավաբանական անձինք, օտարերկրյա քաղաքացիները (քաղաքացիություն չունեցող անձինք) և իրավաբանական անձինք, համայնքները, ինչպես նաև Հայաստանի Հանրապետությունը՝ օրենքով նախատեսված դեպքերում:

3. ՀԲՄ ՖԻՆԱՆՍԱԿԱՆ ԱՐՔԻՏՐԱԺԱՅԻՆ ԴԱՏԱՐԱՆԻ ԳՈՐԾՈՒՆԵՈՒԹՅԱՆ ՍԿԶԲՈՒՆՔՆԵՐԸ

3.1. ՀԲՄ ֆինանսական արքիտրաժային դատարանի գործունեությունը հիմնվում է օրինականության, կամքի ինքնավարության, կողմերի նկատմամբ հավասար մոտեցման, մրցակցության, կողմերի իրավահավասարության, արքիտրների անկախության և անկողմնակալության, դատական միջամտության սահմանափակման, արքիտրների նշանակովիության, արքիտրաժային քննության գաղտնիության, տնօրինչականության, գործերի քննության անմիջականության և այլ սկզբունքների վրա:

4. ՀԲՄ ՖԻՆԱՆՍԱԿԱՆ ԱՐՔԻՏՐԱԺԱՅԻՆ ԴԱՏԱՐԱՆԻ ԳՈՒՅՔԸ ԵՎ ԴՐԱ ՏԻՐԱՊԵՏՄԱՆ, ՕԳՏԱԳՈՐԾՄԱՆ ԵՎ ՏՆՕՐԻՆՄԱՆ ԿԱՐԳԸ

4.1. ՀԲՄ ֆինանսական արքիտրաժային դատարանը Հայաստանի Հանրապետության օրենքներով և այլ իրավական ակտերով, Հայաստանի Հանրապետության կողմից կնքված և վավերացված միջազգային պայմանագրերով (համաձայնագրերով), սույն կանոնադրությամբ և այլ իրավական ակտերով սահմանված խնդիրների լուծման և հիմնարկի բնականոն գործունեությունը ապահովելու համար տիրապետում, օգտագործում և տնօրինում է իրեն ամրակցված գույքը՝ ըստ այդ գույքի նշանակության, այդ թվում ֆինանսական միջոցները:

4.2. ՀԲՄ ֆինանսական արքիտրաժային դատարանի ֆինանսական միջոցներն ու գույքը օգտագործվում և տնօրինվում են ՀԲՄ գործադիր մարմնի ղեկավարի կողմից՝ ՀԲՄ խորհրդի կողմից հաստատված ծախսերի նախահաշվի շրջանակներում:

4.3. ՀԲՄ ֆինանսական արքիտրաժային դատարանի գույքը ձևավորվում է ՀԲՄ կողմից վերջինիս կանոնադրությամբ սահմանված կարգով հիմնարկին ամրակցված գույքից և գումարներից, արքիտրաժային վճարներից, հիմնարկին հատկացվող այլ գումարներից, ինչպես նաև օրենսդրությամբ չարգելված այլ եղանակներով ձեռք բերվող միջոցներից:

4.4. Օրենքով և սույն կանոնադրությամբ սահմանված կարգով ՀԲՄ ֆինանսական արքիտրաժային դատարանի գործունեությունից առաջացած դրամական միջոցներն առաջնահերթության կարգով ուղղվում են ՀԲՄ ֆինանսական արքիտրաժային դատարանի անխափան գործունեությունն ապահովելուն:

5. ՀԲՄ ՖԻՆԱՆՍԱԿԱՆ ԱՐՔԻՏՐԱԺԱՅԻՆ ԴԱՏԱՐԱՆԻ ԿԱՌՈՒՑՎԱԾՔԸ

5.1.1. ՀԲՄ ֆինանսական արքիտրաժային դատարանի կառուցվածքը հաստատում է ՀԲՄ խորհուրդը:

5.1.2. ՀԲՄ ֆինանսական արքիտրաժային դատարանի բնականոն գործունեությունն ապահովվում է ՀԲՄ ֆինանսական արքիտրաժային դատարանի միջոցով, որի ղեկավարումն իրականացնում է արքիտրաժային դատարանի նախագահը: Արքիտրաժային դատարանի նախագահին նշանակում է ՀԲՄ

գործադիր մարմնի ղեկավարը, Խորհրդի կողմից հաստատված արբիտրների կազմից: Նախագահի պաշտոնավարման ժամկետը սահմանվում է 3 (երեք) տարի, որի ավարտից հետո վերանշանակման դեպքում ներկայացվում է Խորհրդին:

6. ՀԲՄ ՖԻՆԱՆՍԱԿԱՆ ԱՐՔԻՏՐԱԺԱՅԻՆ ԴԱՏԱՐԱՆԻ ԿԱՌԱՎԱՐՈՒՄԸ

6.1. ՀԲՄ ֆինանսական արբիտրաժային դատարանի ընդհանուր կառավարումը, որպես հիմնադիր, իրականացնում է ՀԲՄ-ն՝ օրենքներով, ՀԲՄ և սույն կանոնադրությամբ սահմանված կարգով:

6.2. ՀԲՄ ֆինանսական արբիտրաժային դատարանի կառավարմանը վերաբերող բոլոր իրավասությունները ՀԲՄ անունից իրականացնում են ՀԲՄ խորհուրդը կամ ՀԲՄ գործադիր մարմնի ղեկավարը՝ համաձայն ՀԲՄ և սույն կանոնադրությունների, ներքին ընթացակարգերի:

6.3. ՀԲՄ խորհրդի իրավասության հարցերն են.

6.3.1. ՀԲՄ ֆինանսական արբիտրաժային դատարանի կանոնադրության, կանոնակարգի, ներքին ընթացակարգերի հաստատումը, դրանցում փոփոխությունների և լրացումների կատարումը, ինչպես նաև դրանց նոր խմբագրությամբ հաստատելը.

6.3.2. ՀԲՄ ֆինանսական արբիտրաժային դատարանի արբիտրների կազմի՝ անվանացուցակի հաստատումը, դրանում փոփոխություններ կատարելը, արբիտրների լիազորությունների վաղաժամկետ դադարեցումը, եթե դա չի լիազորում ՀԲՄ գործադիր մարմնի ղեկավարին.

6.3.3. ՀԲՄ գործադիր մարմնի ղեկավարի ներկայացմամբ՝ ՀԲՄ ֆինանսական արբիտրաժային դատարանի վարչակազմակերպական կառուցվածքի հաստատումը.

6.3.4. ՀԲՄ ֆինանսական արբիտրաժային դատարանի գործունեության դադարեցումը.

6.3.5. ՀԲՄ գործադիր մարմնի ղեկավարի ներկայացմամբ ՀԲՄ ֆինանսական արբիտրաժային դատարանի ծախսերի նախահաշվի, ինչպես նաև դրա կատարողականների հաստատումը.

6.3.6. ՀԲՄ ֆինանսական արբիտրաժային դատարանի գործունեության հետ կապված՝ Հայաստանի Հանրապետության օրենսդրությամբ և սույն կանոնադրությամբ ՀԲՄ խորհրդին վերապահված այլ լիազորությունների իրականացումը.

6.3.7. ՀԲՄ խորհրդի մի շարք իրավասություններ կարող են լիազորվել ՀԲՄ գործադիր մարմնի ղեկավարին:

6.4. ՀԲՄ գործադիր մարմնի ղեկավարի իրավասության հարցերն են.

6.4.1. ՀԲՄ գործադիր մարմնի ղեկավարը որոշում է ՀԲՄ ֆինանսական արբիտրաժային դատարանին ամրակցվող գույքի կազմը և չափը, հաստատում է ՀԲՄ ֆինանսական արբիտրաժային դատարանի ֆինանսական հաշվետվությունները, իրականացնում հիմնարկի ֆինանսական միջոցների կառավարումը, ՀԲՄ խորհրդի հաստատմանն է ներկայացնում հիմնարկի ծախսերի նախահաշիվն ու դրա կատարողականները.

6.4.2. ՀԲՄ խորհրդի հաստատած ծախսերի շրջանակում հաստատում է հաստիքացուցակը, աշխատանքի է ընդունում և աշխատանքից ազատում է ՀԲՄ ֆինանսական արբիտրաժային դատարանի աշխատողներին:

6.4.3. Կիրառում է խրախուսման և կարգապահական պատասխանատվության միջոցներ՝ ՀԲՄ ֆինանսական արբիտրաժային դատարանի աշխատողների նկատմամբ.

6.4.4. ՀԲՄ ֆինանսական արբիտրաժային դատարանի արբիտրների կազմից նշանակում է ՀԲՄ ֆինանսական արբիտրաժային դատարանի էթիկայի հանձնաժողովի անդամներ:

6.4.5. ՀԲՄ ֆինանսական արբիտրաժային դատարանի արբիտրի կողմից ՀԲՄ ֆինանսական արբիտրաժային դատարանի կանոնակարգով սահմանված գործի քննության ժամկետը խախտելու և արբիտրաժային գործերի կուտակումներ թույլ տալու դեպքում ՀԲՄ ֆինանսական արբիտրաժային դատարանի նախագահի գրության հիման վրա հանձնարարում է ժամանակավորապես դադարեցնել տվյալ արբիտրի պատահականության սկզբունքով հատուկ համակարգչային ծրագրի միջոցով արբիտր նշանակվելը:

6.4.6. ՀԲՄ ֆինանսական արբիտրաժային դատարանի արբիտրի կողմից վարքագծի կանոնների խախտում թույլ տալու կամ ՀԲՄ ֆինանսական արբիտրաժային դատարանի կանոնակարգով սահմանված գործի քննության ժամկետը պարբերաբար խախտելու դեպքերում դիմում է ՀԲՄ խորհուրդ՝ տվյալ արբիտրի լիազորությունները վաղաժամկետ դադարեցնելու համար:

6.4.7. Հայաստանի Հանրապետության օրենսդրությամբ, սույն կանոնադրությամբ և ներքին ընթացակարգերով ՀԲՄ գործադիր մարմնի ղեկավարին վերապահված և/կամ ՀԲՄ խորհրդի կողմից պատվիրակված այլ լիազորությունների իրականացումը:

7. ՀԲՄ ՖԻՆԱՆՍԱԿԱՆ ԱՐԲԻՏՐԱԺԱՅԻՆ ԴԱՏԱՐԱՆԻ ՆԱԽԱԳԱՀԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

7.1. ՀԲՄ ֆինանսական արբիտրաժային դատարանի նախագահը հանդիսանում է արբիտր, այդ մասին ՀԲՄ խորհրդի կողմից որոշում կայացնելու դեպքում: ՀԲՄ ֆինանսական արբիտրաժային դատարանի նախագահը՝

7.1.1. Ղեկավարում և կառավարում է ՀԲՄ ֆինանսական արբիտրաժային դատարանի ընթացիկ գործունեությունը, բացառությամբ այն հարցերի, որոնք օրենքով և սույն կանոնադրությամբ վերապահված են ՀԲՄ իրավասությանը.

7.1.2. Կատարում է աշխատանքի բաժանում հիմնարկի աշխատողների միջև.

7.1.3. Մասնակցում է արբիտրաժային գործունեությանն առնչվող օրենսդրական փոփոխությունների նախագծերի քննարկումներին.

7.1.4. Վերահսկողություն է իրականացնում արբիտրների կողմից ՀԲՄ ֆինանսական արբիտրաժային դատարանի կանոնակարգով սահմանված ժամկետների պահպանման նկատմամբ.

7.1.5. Կազմակերպում է արբիտրաժային դատավարության պրակտիկայի ուսումնասիրումը և ամփոփումը, ՀԲՄ ֆինանսական արբիտրաժային դատարանում քննված գործերի վիճակագրության վարումը.

7.1.6. Իրականացնում է սույն կանոնադրությունից, ՀԲՄ ֆինանսական արբիտրաժային դատարանի կանոնակարգից և ներքին ընթացակարգերից բխող այլ լիազորություններ:

8. ՀԲՄ ՖԻՆԱՆՍԱԿԱՆ ԱՐՔԻՏՐԱԺԱՅԻՆ ԴԱՏԱՐԱՆԻ ԱՐՔԻՏՐՆԵՐԸ

8.1. ՀԲՄ ֆինանսական արքիտրաժային դատարանի արքիտրներ կարող են լինել բարձրագույն իրավաբանական կրթություն (մագիստրոսի կոչում), ֆինանսա-բանկային համակարգի առնվազն երեք տարվա ընդհանուր աշխատանքային կամ իրավաբանական խորհրդատվության փորձ կամ դատաիրավական գործունեության փաստացի փորձ ունեցող անձինք:

8.2. ՀԲՄ Ֆինանսական արքիտրաժային դատարանի արքիտրը չի կարող միաժամանակ հանդիսանալ այլ արքիտրաժային դատարանի արքիտր:

8.3. ՀԲՄ խորհուրդը կարող է սահմանել ՀԲՄ ֆինանսական արքիտրաժային դատարանի արքիտրների ընտրության այլ չափանիշներ և ընթացակարգեր:

9. ՀԲՄ ՖԻՆԱՆՍԱԿԱՆ ԱՐՔԻՏՐԱԺԱՅԻՆ ԴԱՏԱՐԱՆԻ ԳՈՐԾՈՒՆԵՈՒԹՅԱՆ ԴԱԴԱՐԵՑՈՒՄԸ

9.1. ՀԲՄ ֆինանսական արքիտրաժային դատարանի գործունեությունը դադարում է օրենսդրությամբ և սույն կանոնադրությամբ սահմանված կարգով:

9.2. ՀԲՄ ֆինանսական արքիտրաժային դատարանի գործունեությունը համարվում է դադարած՝ այդ մասին ՀԲՄ խորհրդի որոշումն ուժի մեջ մտնելու պահից: